

Confectaria

16. Patet ex dictis quàm verè dixerit Cartesius in epistola Meditationum dedicat. de rationibus, pro Dei existentia, à mente nostra petitis: *eas tales esse, ut non putet ullam viam humano ingenio patere, per quam meliores inveniri unquam possint. &c.*

17. Et patet verum esse quod scribit Princip. I. 22. *Magna in hoc existentiam Dei probandi modo, per ejus scil. ideam, est prerogativa; quòd simul quisnam sit, quantum naturæ nostræ fert infirmitas agnoscamus &c.*

EXERCITATIO IV.

Mentis nostræ natura est, quòd sit res cogitans.

I. **T**Am certa est mens sive anima humana de sui existentia, ut quamvis dubitet de aliis rebus omnibus, de hac tamen eo ipso quo dubitat dubitare nequeat, uti sæpius à me notatum.

2. Itaque non tam de quæstione *an sit*, quàm de quæstione *quid sit* sive quæ sit natura & essentia mentis nostræ, de cujus existentia adeo certi sumus, sollicitos nos esse decet.

C 2

3. Quan-